

25. august 2011

Inatsisartut suleriaasianni § 17 naapertorlugu Naalakkersuisunut apeqqutit imaattut saqqummiuppakka:

Naalakkersuisunut apeqqutit:

1. Allaffissornermi atorfiit qanoq amerlatigisut ulloq 31. juli 2011 tikillugu atorfinitsitsisarunnaarnermik eqqugaappat?
2. Kandidatit allatulluunniit qaffasissumik ilinniagallit Kalaallit Nunaata avataani inunngortut qanoq amerlatigisut piffissami 1. januar-imit 31. juli 2011-p tungaanut atorfinitsinneqarpat?
3. Atorfinitsitsisarunnaarneq qanoq sivisutigisumik suli ingerlassasoq Naalakkersuisut naatsorsuutigaat?

Tungavilersuut:

Aningaasaqarnermut Naalakkersuisup ulloq 22. juni 2011-mi apeqqutinnut akissummini ilaatigut ” atorfinitsitseqqusiunnaarnermi aflaffissornermi atorfiit siulliullugit pineqarmata...”

Taamaammat atorfinitsitseqqusiunnaarnermi atorfiit nalinginnaasumik Kalaallit Nunaanni inunngortunik inuttalerneqartartut qanoq amerlatigisut eqqorneqarnersut paasersuppara.

Akitsinnguaq Olsen, Siumut